

schreiben gelernet / zu keinem Ambt
mit Nutz zu gebrauchen.

2. Weil einer viel vnkosten kan er-
sparen / die er sonst dargeben vnd auff-
wenden muß / wenn er wil etwa auß-
stehende Schulden an vnd auffschrei-
ben lassen: Do im gegentheil ein an-
der / der keine Schreiber giebt / manche
Schuld vergisset / vnd dadurch her-
nachmals in grossen schaden gerha-
ten muß. Wie hiervon die jenigen so
ehrliche Handwercke gelernet / vnd
nicht schreiben können / heutiges ta-
ges mit schmerzen zu sagen vnd zu
klagen wissen.

3. Weil offtmals einer eine heim-
liche sache hat / die er nicht jederman
vertrauen vnd offenbahren darff /
wolte aber solche seinen Nehesten
freunden gerne entdecken / vnd
Deshalben sich rhatz bey ihnen erhö-
len.